

SIARAN MEDIA

1 Mac 2016
SIARAN SERTA MERTA

PENGGUNA INTERNET HARUS BERWASPADA DENGAN ANCAMAN KECURIAN IDENTITI DI LAMAN FACEBOOK

Seri Kembangan (1 Mac 2016) – CyberSecurity Malaysia, pusat pakar teknikal keselamatan siber Negara dan juga agensi di bawah Kementerian Sains, Teknologi dan Inovasi (MOSTI) menasihati pengguna internet khususnya pemilik laman Facebook agar berwaspada dengan ancaman kecurian identiti yang semakin berleluasa di laman Facebook.

Kecurian identiti dilakukan oleh pihak yang tidak bertanggungjawab dengan menggunakan maklumat peribadi, foto serta imej milik individu dengan mewujudkan profil palsu individu berkenaan di laman Facebook. Antara tujuan pihak yang tidak bertanggungjawab tersebut melakukan aktiviti ini adalah untuk penipuan dan juga ugutan siber.

Menurut Dr. Amirudin Abdul Wahab, Ketua Pegawai Eksekutif, CyberSecurity Malaysia, “Cara mudah untuk mengenali profil palsu tersebut adalah apabila nama profil serta bahasa yang digunakan agak ganjil serta jumlah rakan atau kenalan pada profil tersebut pula amat sedikit.”

“Insiden kecurian identiti ini berlaku akibat daripada kelalaian mangsa dalam melindungi maklumat peribadi terutamanya dalam situasi kegagalan mengawal emosi, seperti perasaan cemas atau tamak apabila menerima posting, mesej atau emel yang mempunyai unsur-unsur ‘phishing’ daripada penjenayah siber.” Ujar Dr. Amirudin Abdul Wahab.

Antara nasihat (tips) bagi mengelak dari menjadi mangsa kecurian identiti adalah:-

- **Guna katalaluan (password) yang kuat**
 - Katalaluan adalah benteng utama bagi memastikan maklumat peribadi dapat dilindungi oleh mereka yang mempunyai niat jahat. Terdapat dua cara membina katalaluan. Pertama, dengan menggunakan campuran huruf besar, kecil, simbol dan nombor seperti **S4y4&anda**. Kedua, dengan menggunakan *passphrase* sebagai



contoh, 'saya suka makan aiskrim' – katalaluan: **SYSKMKAK**, **SyskmK4K**, **Sy2kmk4K**.

- **Pastikan alamat laman web yang betul**

- Jangan mudah percaya sesuatu pautan (link) yang dihantar sama ada melalui emel atau laman media sosial, termasuk Facebook.
- Sebagai contoh, emel dari institusi perbankan dengan pautan ke laman sesawang yang memerlukan pengguna membuat pengesahan dengan meng'klik' pautan yang diberi. Untuk makluman, pihak bank tidak mengeluarkan emel dan meminta pelanggan mereka membuat pengesahan dengan memasukkan ID dan juga katalaluan.

- **Abaikan emel atau mesej yang meragukan**

- Sentiasa berwaspada dengan emel atau mesej yang diterima terutama dari mereka yang tidak anda kenali.

- **Abaikan profil Facebook rakan atau kenalan anda yang mencurigakan**

- Jangan mudah mempercayai profil yang menggunakan foto/imej rakan serta kenalan anda di Facebook. Buat semakan sebelum sebarang tindakan diambil.

Bagi pengguna internet yang menerima profil palsu di laman Facebook atau menjadi mangsa ancaman kecurian identiti, mereka boleh membuat laporan ke Pusat Bantuan Cyber999, CyberSecurity Malaysia dengan menghantar email ke cyber999@cybersecurity.my

~ Tamat ~

CyberSecurity Malaysia merupakan sebuah agensi pakar keselamatan siber, di bawah kawal selia Kementerian Sains, Teknologi dan Inovasi (MOSTI). Untuk maklumat lanjut, sila layari laman web kami di <http://www.cybersecurity.my>. Untuk maklumat umum, sila emel kepada info@cybersecurity.my. Teruskan berhubung dengan kami dengan sosial media [facebook/CyberSecurityMalaysia](https://www.facebook.com/CyberSecurityMalaysia), [twitter/cybersecuritymy](https://twitter.com/cybersecuritymy), [youtube/cybersecuritymy](https://www.youtube.com/cybersecuritymy), Instagram/CyberSecurity_Malaysia.

Untuk maklumat lanjut mengenai dokumen ini, sila e-mel: media@cybersecurity.my atau hubungi +603-89926888, Mohd Shamil Mohd Yusoff (ext:6978) atau Sandra Isnaji (ext: 6977)